

國
朝
文
錄

鄭靜菴先生文錄引

予往讀漁洋精華錄卽知吾鄉有鄭次公先生以康熙壬子嘗副
漁洋主蜀試也近讀通志藝文得次公西山寺記語意高飭嘆爲
獨絕而恨無從得其全集讀之今春假館洪都龔君歐可自宜黃
歸以所得近人書數種見示中有次公靜菴集四冊亟取閱之詩
多使蜀時作波瀾意度雖遠遜漁洋而刻露清真要亦自成一隊
文則序記皆洗盡浮蕪獨標清韻傳多游戲之作而寄託深遠與
毛穎之滑稽迴殊書札直書所見磊磊明明而潛議一篇尤爲大
有關繫魏冰叔序稱讀其與陳元公論錢虞山明詩愚及與子弟

手札而君之學術見讀漕揭而君之經濟見讀信民謠戰國策雜
詩父老歎諸作而君之性情心術並見洵爲定論而予尤愛其與
子姓論文謂一題到手必靜相其神理所起止由實字勘到虛字
更從有字句處勘到無字句處及其取於心而注於手務於他人
所數十百言未盡者予以數言了之及其幅窮墨盡反覺有數十
百言在其筆下又於他人數言可了者予更以數十百言排蕩搖
曳出之及其幅窮墨盡反覺紙上不多一字嗚呼此千古行文秘
密之理不獨時文當如是卽古文亦必以是爲最高也先生所見
如此宜其文高卓不羣非前後作者所能及哉上高李祖隆

鄭靜菴先生文集目錄

廣信府志序

王報菴詩序

管木子制藝序

漢上人語錄小引

遊釣臺記

醉書齋記

一杯亭譙集記

軍陽山記

東山叢記

西山寺記

水利雜記

姜處士傳

醫說

與鄧衛玉書

諱俊

與陳元公書

與諸弟姪

潛議

鄭靜菴先生文錄

貴溪鄭日奎次公著

後學上高李祖陶欽

新昌陳繼先步

○廣信府志序

今天子恭膺景運。誕敷禮樂。薄海內外。莫不享王。文教所訖。固已
陋唐而越漢矣。歲在壬子。禮臣特奉綸音。下所司徵集十五國郡
邑圖籍。上之中秘。將編輯成書。用志鴻烈。甚盛典也。臺檄至信。則
我郡大夫易菴高公政成之五年矣。公起山左文學之邦。擅江都
經術之望。載佐名郡。聲績爛然。逮承簡命。以守我信也。清修益勵。

惠澤益宏。爲置之古。龔黃召杜中。不知當在何等。乃今觀於公之
修。吾信志也。余以知公之爲治。固非苟然已也。何也。蓋比者志之
修也。大約以例矣。奉令而舉。刻期而成。旣以世遠言湮。遂復因陋
就簡。抑知今之志。卽古之史乎。古者王朝列國之史。皆謂之志。晉
狼暉曰。周志有之。周官小史掌邦國之志。外史掌四方之志。註曰。
若鄭書。晉乘。楚檣。机。魯春秋。是也。故郡史名志。從古也。自分史與
志之名。而體遂微異。於是史詳大志。詳小史。取義嚴。志取義恕。至
若備典故。覈名實。昭已往之蹟。以垂將來之鑒。道固同也。然則志
豈易言乎哉。公鈴閣清暇。左圖右書。未嘗去手。其於歷朝之典制。

寰宇之情形蓋究心非一日矣。既承檄卽下之所部七邑。要以日
月程以規條。會幾何時。以次報竣。乃設館局。召名彥訪故老求遺
書。既綱舉而目張。復句櫛而字比。而公尤兢兢乎慎言之也。本生
平之蘊蓄。殫夙夜之勤渠。復取諸本而一一折衷之。所未載者補
其遺漏。所宜采者廣其見聞。文無可據則闕疑以待。事有足述必
徵信以傳。自冬徂春。凡三閱月。而一方信史燦然備焉。人但詫公
告成之敏也。抑知公之畱意於是也。固非旦夕之故也。昔朱考亭
一代大儒也。凡蒞官之地。必先修志。夫豈僅爲是備紀載侈觀美
已乎。蓋欲使一方事蹟可考而知。一披卷而政教得失風化升降

百王之運會出其中。山川奧絡英哲瑰琦。千古之文獻出其中。且理學事功。文章節義。萬物挺直之本源。出其中。由是古有所稽。今有所驗。政有所資。俗有所考。以爲因革損益之地。以爲教戒勸懲之幾。皆於是乎賴。顧不重與。夫乃知公之不苟於志。吾信也。亦猶之不苟於治。吾信焉已矣。編纂旣訖。余受而讀之。相其體簡而嚴。事詳而核。指深而遙。詞質而達。正而不詭。視之禹貢周官。似未多讓。用是上之輜軒。陳之太史。以對揚王休。以昭示來許。猗歟盛矣。比者余以使蜀之役。未獲載筆以從。而藉公政成游刃。遙觀厥成。抑何幸焉。今而後望靈山之崔巍。撫葛流之洋洋。凡官于斯。產于

斯與夫流寓於斯。略斯志也。知罔不鼓舞興起。以求無負我公著述之意也。夫是爲序。

發揮甚暢。呼應甚靈。必如此始見志非徒作。

王報菴詩序

天下而無詩也。則能詩者之過也。抑非能詩者之過。能詩而各爲○錄○可○以○包○括○二○切○其詩。則詩存。能詩而共爲一詩。則詩亡也。何也。詩以道性情者也。取性情之業。以摹倣衣冠。附和聲氣。尙得謂詩乎。韓昌黎文起八代之衰。世知仰之。至其詩。或不與之壇坫。此豈知昌黎者哉。夫唐詩至元和間。風稍頽矣。自長慶之體盛行。天下靡然向風。以其輕逸。趨於流便。幾於千手一律。眾口同響。昌黎有憂焉。欲力起振之。故其詩嘗以曲詰艱奧爭奇。稍與文別。夫豈好異哉。且夫昌黎所推服。無如李杜。而昌黎固不爲李杜之詩也。同時爲昌黎所推服。

者若郊若島若全若賀又皆不爲昌黎之詩者也亦可以知其意
指所在矣予嘗持此以論詩而今乃得王子報菴以少年魁勝國
庚午楚闈旣因喪亂遂棄功名不事閉門著述蓋才名三十年乃
世鮮有識其詩者報菴攜以示余余讀而快之意當報菴學詩之
始正濟南竟陵分派爭鳴之時也天下之言不歸齊則歸楚學者
得其殘膏賸馥皆爭勝詞壇而報菴獨夷然不之屑意致已高人
數等矣今相其詩皆避熟就生避實就虛避膚巧新穎之近而就
樸拙幽奧之古卽不無偏駁離奇要之冥搜高寄不肯一字猶人
其性情皆所自有者豈不成其爲報菴之詩哉且古今人物詩文

與其從同而餓何如獨往而眞徐偃之王定遯桓文之霸琴張諸
子之狂獧遠過鄉愿之中行亦夫人而辨之矣又何疑於詩昌黎
不言乎文不爲當時所共怪則必無後世之傳故雖郊寒島瘦賀
奇仝僻皆得各有其千古今報菴但自爲報菴之詩而我所欲傳
誰能廢者昌黎復起不易吾言矣

名言篤論可爲藝苑指南

管木子制藝序

余與管子弗若訂交蓋在己亥計偕時也然前此已讀其文每歡
爲沉博絕麗難爲繼矣今入臨汝并晤弗若嗣君木子氏相其英
姿秀發頎然玉立竊爲弗若慶有子已而出其文相示則又清古
靈奇空諸所有絕不襲爲弗若所爲文噫異矣父子之學以專家
相嬗而父子之文又以巖出爲奇不亦勝乎顧木子年未及冠而
所造已若此余乃笑謂弗若爲卿者亦難矣而弗若猶謂余當序
之余未有以應也已而過城東訪石車壘池遺跡乃爽然有感焉
夫右軍贊聖也而太令爲之子名竟與埒時人無能軒輊者謝太

傳乃問太令曰卿書何如父對曰固當勝太傅曰外人殊不爾曰
外人那得知夫較勝否於天性間太傅此問太令此對俱誤然不
可謂其言之非也夫右軍書以靈和勝太令弗謂善也乃成其爲
右軍太令書以神俊勝右軍弗謂善也乃成其爲太令顧使太令
而必爲其父所爲亦斷不能有加於其父天下不以增其身價之
高而反以議其家學之淺此豈太令所敢出也乎則以爲勝之也
不亦可乎至宋齊間論書者欲抑右軍於太令下而唐初人又欲
誣太令於右軍下則以爲外人那得知信非外人所得知也今木
子不襲爲迺父之文何以異此然子亦外人爾那得知卿父子而

國朝文獻
猶撫此說以復弗若則亦未免爲太傅之失言也已。
通論確論以此序時藝亦可謂超然而絕塵矣

○漢上人語錄小引

諸佛妙理。非關文字。故如來至四十九年。謂無法可說。蓋不欲人於語言章句內討生活也。學人眼光不豁。脚跟不實。既不能會之。言先又安能悟之言下。宜乎得骨得髓者之寥寥乎。夫能於不說法時。見所說無非是法。於說法時。見仍是無法。可說是謂於箇事依稀者。讀漢上人是錄。應作如是觀。

寥寥數語。包掃一切。

○ ○ 遊釣臺記

釣臺在浙東漢嚴先生隱處也。先生風節輝映千古。予夙慕之。因憶富春桐江諸山水。得藉先生以傳。必奇甚。思得一遊爲快。顧是役也。奉檄北上。草草行道中耳。非遊也。然以爲遊。則亦遊矣。舟發自常山。由衢抵嚴。凡三百餘里。山水皆有可觀。第目之所及。未暇間名。領之而已。惟緘舟子以過七里灘。必予告。越日。舟行萬山中。忽觀雲際雙峯。嶄然秀峙。覺有異。急呼舟子曰。若非釣臺耶。日然矣。舟稍近。迫視之。所云兩臺。實兩峯也。臺稱之者。後人爲之也。臺東西峙。相距可數百步。石鐵色。陡起江干。數百仞。不肯止。巉巖傲

晚如高士並立風致岼然崖際草木亦作嚴冷狀樹多松疎疎羅
植偃仰離奇各有態倒影水中又有如遊龍百餘水流波動勢欲
飛起峰之下先生祠堂在焉意當日垂綸應在是地固無登峰求
魚之理也故曰峰也而臺稱之者後人爲之也山旣奇秀境復幽
蒨欲艤舟一登而舟子固持不可不能強因致禮焉遂行於是足
不及遊而目遊之俯仰間清風徐來無名之香四山颺至則鼻遊
之舟子謂灘水佳甚試之良然蓋是卽陸羽所品十九泉也則舌
遊之頃之帆行峰轉瞻望弗及矣退坐舟中細繹其峰巒起止徑
路出沒之態恂恍間如舍舟登陸如披草尋磴如振衣最高處下

○神○實○據○
○此○段○子○
○此○處○傳○

瞰羣山趨列。或秀靜如文。或雄拔如武。大似雲臺諸將相。非不傑然。卓立覺視。先生悉在下風。蓋神遊之矣。思稍卷隱。凡臥而空濛。滴瀝之狀。竟與魂魄往來。於是乎并以夢遊覺。而日之夕矣。舟泊前渚。人稍定。呼舟子勞以酒。細詢之曰。若嘗登釣臺乎。山之中景。何若其上。更有異否。四際雲物。何如奇也。舟子具能悉之。於是乎并。以耳遊噫。嘻。快矣哉。是遊乎。客或笑謂鄭子。足未出舟中一步。遊於何有。嗟乎。客不聞乎。昔宗少文臥遊五嶽。孫興公遙賦天台。皆未嘗身歷其地也。余今所得。較諸二子。不多乎哉。故曰。以爲遊。則亦遊矣。客曰。微子言不及此。雖然。少文之畫。興公之文。盡處一

焉以謝山靈余竊媿未之逮也。遂爲之記。

翻身出奇最善。避熟若從正面實寫。則人云亦云。先生詩文最奇。尋常谿徑不屑蹈也。最是神遊一層。令人想味不盡。

○ ○ 醉書齋記

於堂左潔一室爲書齋。明窗素壁。泊如也。設几二。一陳筆墨。一置香鑪茗椀之屬。竹牀一。坐以之。木榻一。臥以之。書架書笥各四。古今文籍在焉。琴瑟塵尾諸什物。亦雜置左右。甫晨起。卽科頭拂案。上座注水。硯中研墨。及丹鉛飽飲。筆以俟。隨意抽書一帙。據坐批閱之。頃至會心處。則朱墨淋漓。漬紙上。字大半爲之隱。有時或歌或嘆。或笑或泣。或怒罵。或悶欲絕。或大叫稱快。或喃喃詫異。或臥而思起。而狂走。家人瞋見者。悉駭愕。罔測所指。乃竊相議。俟稍定。始散去。婢子送酒茗來。都不省取。或誤觸之。傾濕書冊。輒怒而加

賁後乃不復持至踰時或猶未食無敢前請者惟內子時映簾窺
余得間始進日午矣可以飯乎余應諾內子出復忘之矣羹炙
皆寒更溫以俟者數四及就食仍挾一冊與俱且噉且閱羹炙雖
寒或且味變亦不覺也至或誤以雙箸亂點所閱書良久始悟非
筆而內子及婢輩固不竊笑者夜坐漏嘗午顧僮侍無一人在側
俄而舂聲震左右起視之皆爛漫睡地上矣客或訪余者刺已入
值余方校書不遽見客伺久輒大怒訴或索取原刺余亦不知也
蓋余性既嚴急家中人啓事不以時卽叱出而事之緊緩不更問
以故倉卒不得白而家中鹽米諸瑣務皆內子主之頗有序余以

是無所顧慮而嗜益僻他日忽自悔謀立誓戒之商於內子內子笑曰君無效劉伶斷飲法祇賺余酒脯補五臟勞耶吾亦惟坐視君沉湎耳不能贊成君謀余惘然久之因思余於書洵不異伶於酒正恐旋誓且旋畔且爲文字飲不猶愈於紅裙耶遂笑應之曰如卿言亦復往但爲李白婦太常妻不易耳乃不復立戒而採其語意以名吾齋曰醉書

世自有此種專致真讀書人龍泉高香谷進士卽如此予曾記之

○ 一杯亭識集記

一杯亭在郡治溪南居山之半趙忠定公守郡時所建也游歷兵
燹獨巍然如魯靈光異矣丙午夏初予人郡翁子凱臣招余飲此
於時宿雨乍晴風物靜好林光如水濕翠欲流拾級而登疑在山
陰道中亭亭倚山而囀人居左右多古木蒼分綠合形影參差而炊
烟復上與山嵐相接樹有隙輒縫之矣靈山遙對峰厯厯可數乃
日光摩盪山色分爲異色滉瀟萬狀不能諦視四山環遶奇態各
呈覺秀色時時來撲人衣裾下頰城郭廬舍錯峙烟樹中江流繞
之隱見出沒厯落如畫城之西一樓危立故少師夏文愍公書業

也繁華已矣。此蹟僅存。輒爲喟然生感。而傷相國功名之不終還。
顧山阿則壘山先生祠堂在焉。堂亦稍圯矣。然先生大節精忠。直
與河嶽同傲。豈藉此爲存亡哉。頃之賓朋悉集。列坐亭中。殺核既
陳。觴解斯舉。飛花入座。山鳥下窺。把酒臨風。奇情滿目。客有持酒
戒者。予笑曰。咄。嗟老子。忍斷杯中物耶。且念此亭命名之意云何。
因爲歌魏武短歌行一章。羣屬和之。彷彿四座風生。溪山變色。而
客亦不覺連浮數太白。嗟乎。風景不異。世態紛紜。未免有情。誰能
遣此。趙公却身後之名。與魏武念忘憂之物。宜其同出一轍。於是
洗盞更酌。此獻彼酬。興致雲酣。談鋒鏘立。或探玄旨於秘笈。則玉

塵頻塵。或抒雄略於壯懷。斯唾壺欲碎。奔走海嶽。縱橫古今。語不襲常。見皆各出。僮僕亦欣駭。樂聽左右給事。靡有倦容。客以是竟醉起。視四山暮色。羣來分手告別。而月滿前溪矣。時主人爲醉凱臣客。則王子炳若、鄧子衡玉、內兄汪吉兆、家仲秀子暨余六人集之。明日次公鄭子記之。

極一時興來情往之致

○軍陽山記

渡葛溪而南可三十里許。有山單椒聳絕。秀拔羣阜之表。亭亭歷歷。與雲爭高。異而造之。無運也。劣得運焉。仄者猿逕。稍坦者樵牧。逕險矣。趾則愒然。目得快也。以目之快。敵趾之愒。得平焉。更數十步。而奇益出。攢峰林立。各極其氣勢。以爲勝。有特拔者。有競起者。崩欲壓者。奮欲竊者。高如瞰。下如仰者。銳者禿者。迴翔錯峙。凡十數山。實則此一山之分身爲之也。殆如神龍行空。烟雲擁護。肢體雖斷。固非數龍。稍折。乃益險。則益快。力爲登頓。間而趾忘其怖矣。山中多草。少樹。樹有之。亦疎瘦。寡兀失樹理。石笋數枝。矗矗怒生。

如旌幢如刀槩顧盼頃如行武庫中而山光灑之隱躍浮動似可
奪以麾舉以刺也爲登高了之則奇愈出不可詰意緒皆與烟嵐
相歷亂目若趾都自忘矣乃無言久之詢厥名或告曰昔有將兵
過此者軍于山之陽山因以軍陽名按李華過弋陽寄趙七侍御
詩有軍陽青嵯峨之句又李翱來南錄至信州望君陽山謂怪峰
直聳似華山云意皆指此山也是當作君陽今昔異傳遂兩仍之
山下一溪繞山西流蒼蔚翳之竟川漾綠則軍陽江也源發於隱
士巖十餘里至是而流漸大從高下瞰聲隱光發蓋遇沙綺明遇
石珠濺矣更七十折而合於葛溪

奇情險韻似勝柳子厚永州諸記

東山巖記

東山巖崿峻拔。然塊然土也。山半有巖。乃純石。壁上鐘乳離離。五色具。亦或作佛手及瓜菓狀。狀惟肖也。中可列數十乘。天光側入。厥形類龜。旁有洞。徑窅冥而屈曲。傳導者張炬前。約數十步。漸隘。左右壁僅容肘。乃俯而猿行。更數十步。乃橫而蟹行。又更數十步。乃偃而鹿豕行。乃蜿蜒而蛇行。如是者十數折。則卑者漸高。狹者漸廣。忽得一石室。寬可二畝許。仰而矚。荒荒然怪石倒垂。欲落矣。不落。若或綴之。選燥處稍休焉。乃謀更進。導者曰。止矣。無可進矣。燭以炬。則一潭前阻。縱可四五丈。竟石室所起。止橫亘之色。沈黝。

而深不測。或時有巨蛇怪獸出沒其間。以故無敢渡者。隔潭仍有
祠導者。乃取數大炬。遙擲其中。隨炬光所至。燭之地。則平如削。其
際也。如滿掃。有若石几。石鼎。石茶甌。石鼓之屬。或單或複。楚楚然
類有致者。之位置之。其炬光所不至。斯荒黑無所覩矣。水石氣森
寒。炬力不壯。但微攝潭光。以上於壁。晃晃灑灑。良久頓疑沈黝。荒
黑中有奇鬼。饒蛟森然欲突起攫人。乃怖而返。每一歲洞中樂
輒數作。其作也。金石聲鏘然。桐竹聲雪然。明婉可譜。聞數里內。然
從外聽之。聲疑中出。從中聽之。聲又疑外入。不可解矣。豈是境也。
果仙靈之奧府與。否則或龍怪之窟宅與。傍巖舊有寺。里人信形

家言。慮妨居者。近乃毀矣。

中寫炬力攝潭光一層最奇。前人未有言者。

西山寺記

西山在弋之西北。山勢龍從。亘十數里。土與石間之。林壑初無大異其名也。以產茶。寺居山之麓。僧亦以種茶爲業。住持老衲鵝湖人也。臘甚高。好談前朝事。客至無他供。惟以茶啜。茶次輒爲客述明時弋之茶害也。正德中。寧藩勢張甚。每歲春。輒遣官校督茶芽。凌轢官吏民苦之。己卯逆籙敗。弋患始去。邑人汪少宰有庚辰春日飲茶詩。意蓋指此。而今幸矣。無他慮矣。因爲誦汪公詩。客皆色然喜。欣然笑也。更啜次。僧復爲客述明末鉛之茶害也。信七邑皆產茶。初無絕佳者。故不以供上用。獨鉛邑有茶。戶有茶課。課額歲

八觴耳。不爲民厲。何時例忽起。每歲清明課茶時。除正供外。自監司以下。連丞尉皆有餽。名曰薦新。實則本處所產不能應。皆市之他郡以充之。民歲費金以數十計。已苦之矣。何時例又變。每歲課茶時。除正供仍本色外。其他餽贈悉以銀代之。於是民歲費金以百數十計。茶戶或稱貸償。或且鬻妻子償。甚有自經溝間者。已而相率逃去。則科之合邑之糧里費益不貲。害益深矣。邑人盛處士有泐川採茶歌。意蓋指此而今不知何如也。因朗誦盛子歌。歌未終。客皆慘然不樂。太息起。輟飲而別。闕○終○而○止○

兩兩相對而慘笑。自別書不盡言。言不盡意。其妙處令人自領。

○ 水利雜記

京東遷安密雲灤薊諸邑。泉從地湧。水與田平。稍施疏決。卽歸畝。○
○ 今聽其漫野而去。故陰雨稍勤。土膏方能潤澤。旬日不雨。禾苗○
○ 遂遍焦枯。此言水而不知水利者也。若於近泉之處。爲陂爲塘。蓄○
○ 山泉之水。以備亢陽。則岡瘠之場。灌溉有資。而山磽爲沃野矣。如○
○ 廣平大名所屬州縣。爲洛滏漳衛諸河經流之處。皆古受井田地○
○ 也。今漫衍千里。曠然平原。曾無丈尺之渠。以瀦瀉其間。故雨暘依○
○ 時。可幸有秋。倘淫雨連綿。遂苦墊沒。此視水爲有害而無利者也。○
○ 若于諸河平廣之區。爲閘爲堰。爲溝爲洫。併水達田。間以時蓄洩。○

即使夏秋漲澇時到之水亦有所遊盪寬緩而無決壅之虞矣至
河間保定所屬各州縣聚潴沱漳滹于下流而入海之道僅有
一渠宣洩不及故壅塞漫溢平陸廬舍盡成沮洳此受水之害而
不能收水之利者也若訪古來舊堰廢渠盡爲開導使水去無所
壅而下濕之地畱爲滌水之所使水有所鍾其近水可以耕作者
爲圩爲堤使外爲洪潤而內成阡陌倣東南車汲之法放洩以備
旱澇則荏葦之藪皆南畝矣

條析言之勝讀徐貞明潞水客談

○姜處士傳

處士姓姜名辛太公望苗裔也。望以佐武功封於齊。子孫遂散居諸郡。或居高良。或居西蜀。惟居蜀者得稱子牙從其朔也。處士祖若父世尙隱德。與農圃家爲伍。不樂仕進。故無顯者。周之季也。處士始出時。魯人孔子大聖人也。名聞諸侯。所從遊者盡列國賢士。而獨深重處士。每食必在座。後孔子道既不行。聞韶於齊。厄於陳。蔡時。諸膏粱子弟多散逸。惟處士嘗侍左右。不去。以是名滿天下。人爭延致之。其所流寓多在丘園中。澹烟吸露。於世味泊如也。根器深靜。而風度則濯秀可愛。好衣青羽衣。每臨風嘯詠。翩然秩然。

如神仙中人識者每望而得之。然性剛介寡合。恥以甘腴取容悅。層層都到又口刺刺人是非。不少假借。人受之輒口齧。或面發頰。或涕淚交下。汗浹背者。亦不之顧。既而風味淡洽。覺有通神明去邪穢力。乃歎服。然亦坐是見疎。或有太烹之享。強邀致者。輒悲曰。吾奈何。柔厥性而與肉食者狎乎。惟攻長桑君術。人以疾患來告。則無不往。既至。爲決嫌疑。定可否。授以服餌之法。苟得濟。雖解衣刺血。剔膚割股。所不惜也。其切於救人如此。與西川椒氏小山桂氏諸子氣味雅相得。嘗謂二子曰。世之季矣。習爲甘旨媚人。實授以醜毒耳。尤可效乎。吾儕其毋爲脂韋易吾素。以是晚節皆益勵人。或合稱。

之曰姜桂之性老而愈辣云處士既卒其族類蕃衍甚遂徧大江
南北間然皆有處士風

此先生自爲寫照之文較昌黎毛穎徒爲遊戲者不同

醫說

余嘗謂醫以藥治病。猶之將以兵殺賊。夫兵。凶器也。能殺賊。亦能殃民。師出以律。否臧。凶豈待其覆軍殺將時乎。夫醫亦猶是也。人之身。譬則國也。身之元氣。則民也。病則賊也。而醫則將也。藥物則士馬。炮製則訓練也。黃農氏以來。方脈本草諸書。則古兵法也。而其間症之淺深。數之輕重。候之緩急。所謂運用之妙。存乎一心者。殆戛戛乎難其人已。江陵劉叟。工醫者近四十年。其所治無弗起者。余偶以家人有疾。召至署中。與之接談。經書滿腹。舉古今同異。疑似之說。皆能折衷剖晰之。遷史謂醫之所病在道少。以擬於叟。

不多乎哉。雖然吾懼叟之易言之也。易言醫必以醫敗。猶之易言兵者必以兵敗。趙括多讀父書且致長平之禍。亦其類已。意叟之收効當不特此爲。即其所得者則曰。凡治病必先扶其元氣。元氣內固然後以漸除其邪氣。故雖明知所病在是。必不敢投劫劑以希速効。故收功雖晚而道可十全。嗟乎此則叟之所獨得者。與今之醫者鮮克解此持未達之藥。嘗不試之病而爭旦夕之功。是猶討賊者不務恤民。但窮極兵力。惟敵是急耳。且使邪氣未去。元氣先傷。卽幸而去之。而元氣破壞。不可卒復。將究成一痿痺不可起之象。天下事之如是者比比也。可勝嘆哉。然則明乎叟之說可以

治國。可以用兵。詎獨擅能於一技已乎。因書此爲贈。正荆益大用兵時也。

以兵說醫亦是常談妙獨寫得警拔

。與鄧衛玉書 諱瑗

閱來論其論次僕文似多假借不敢當至謂僕以京華清暑日與
諸名公卿負海內文章重望者遊以故風氣日上似有所師承云
云僕捧讀之餘不勝悚息以僕文爲佳固未也謂有師承則無之
矣夫長安人物所萃鉅公名流多在焉則就正有道是其地又僕
前官翰林文學臣也近雖改部郎部務亦甚簡與讀書論文事不
妨是其時矣又僕嗜詩文嘗樂得從勝已者遊非專已自是者比
是其人以是三者宜乎來諭云云乃爾也抑知有大不然者乎僕
負性素拙且介足下所知雅不樂遊尊顯者門或當遷除朝參後

故例必往謁。不獲已。問道已經得其狀。報甚然。不可免也。姑造焉。
則必先賄閹者。爲婉詞。求其通閹者。猶不遽達。直曰。屬方有公事。
君且去。約以他日。既不敢強復。不敢違約。如期往。或不值。值矣。則
下馬拱立門外。閹者將刺入。良久始出。報曰。屬方倦少憩也。或曰。
甫進餐。或曰。方與某客談。未竟。君姑俟。乃引至別室中。几席略不
備。苟然命坐。良久。口且燥。腹且饑。或疲欲就臥。當此之時。面目不
可以告妻子。每憤起欲棄去。不顧度於理。又不可。勉俟之。良久。閹
者趨前曰。請見矣。急從之入。相見時。尊顯者禮殊簡貴。坐定。慰勞
外。寥寥數語。都不及文章事。然公卿大臣立功報主。是其職也。固

不○常○仍○話○措○大○生○計○乃○修○已○治○人○之○方○經○時○濟○物○之○道○略○不○一○進○
教○之○豈○我○輩○未○可○與○言○耶○抑○尊○卑○相○見○之○禮○自○古○而○然○耶○茶○罷○三○
揖○而○別○如○是○而○已○如○是○者○一○且○甚○其○可○再○乎○夫○今○之○負○海○內○文○章○
望○者○大○半○皆○居○尊○顯○據○要○路○者○也○一○旦○以○閒○署○郎○官○驟○通○其○門○而○
曰○余○以○文○章○求○教○者○也○誰○則○信○者○且○既○無○以○厭○閑○者○欲○初○至○必○姑○
辭○之○再○則○且○箕○踞○以○對○三○往○鮮○不○笑○且○罵○之○矣○此○雖○主○人○之○意○必○
不○然○然○謁○者○之○難○昔○人○已○嘆○之○况○我○輩○尚○未○得○入○其○門○登○其○堂○奉○
其○色○笑○又○安○測○主○人○意○指○所○在○哉○僕○性○既○拙○且○介○不○工○爲○佞○一○旦○
作○此○舉○動○足○未○進○口○未○言○面○已○發○赤○卽○使○請○益○有○獲○所○得○幾○何○所○

喪○已○大○以○是○離○羣○索○居○不○能○坐○進○於○此○道○明○矣○且○夫○文○章○信○有○師○
轉○此○一○層○妙
承○抑○師○又○何○嘗○之○有○乎○韓○得○於○左○柳○得○於○國○廬○陵○得○於○西○漢○眉○山○
父○子○得○於○戰○國○策○固○未○嘗○親○矣○其○人○受○其○提○命○者○也○昔○有○問○善○畫○
馬○者○以○何○師○答○曰○廐○馬○萬○匹○皆○吾○師○也○是○真○善○得○師○者○今○名○公○卿○
手○筆○固○所○景○慕○然○得○其○詩○若○文○讀○而○私○淑○之○足○矣○無○已○更○進○而○求○
之○古○亦○當○有○得○卽○萬○無○所○得○亦○可○無○所○失○也○若○如○昌○黎○所○云○我○能○
是○是○亦○足○矣○外○以○欺○於○人○而○內○以○欺○於○心○則○豈○鄭○子○所○敢○出○哉○足○
下○深○於○古○者○也○肯○進○而○教○之○以○匡○所○不○逮○亟○請○得○執○鞭○以○從○
此○書○略○盡○子○腹○中○事○子○前○後○畱○京○五○六○年○執○卷○以○見○者○惟○鄉○試○

座主及同鄉前輩一二公最後得雲汀先生予願足矣然予之
文終得之琉璃廠書肆之中非常有師也且必賓賓焉學之先
生之言又安得有文哉

與陳元公書

前月於王君座中足下極稱錢牧齋先生明詩選一書爲千古定論所在掄揚不已其書僕未之見因不敢置辯惟唯焉然嘗竊嘆明之亡也以朋黨以議論而其兆則先於文字中見之當時學士家評論詩文護同伐異於所是引爲家派於所非若擊仇讐蓋門戶之立戈矛之爭鬬已伏焉既乃申於國家爲可憾也牧齋賢者乎正恐不免耳昨客某忽以是書相貽余本不欲觀以足下言故爲閉戶讀之凡五晝夜卒業焉乃竊笑固不出劉子所料也其序文年月止載太歲名集則冠以明諸帝王次以元之遺民逸士

而後始入明初諸將相寓意大約可見而於明季黨論則毅然自
○以彼辭而如此○詩意也自可垂○
任爲鄒願高趙諸公後一人一篇之中三致意焉其是非余不敢
論至其評論詩篇也必泛及其人品於所不悅則引繩批根吹求
不遺餘力又雜引諸浮浪無稽之言爲之證佐嗟乎是不過以東
林黨盛氣餘憤發洩於筆墨中耳豈論詩文也哉若如所云正恐
陶謝李杜尙復不免况其下乎天地之大也山不以五嶽廢羣山
○詩○文○之○境○無○窮○其○入○以○方○隅○之○限○何○異○面○積○而○志○
水不以四瀆廢諸流草不以芝蘭廢蕭艾木不以松柏廢蒲柳鳥
獸昆蟲不以麟鳳龜龍廢一切飛走鱗介之屬也文章亦然六經
之外且有諸子正史之外且有稗官詩三百篇聖人所手定者變

風變雅亦不遺焉。以至楊墨佛老之書。今猶與經史並存。此文章之大也。故古人於評論詩文之際。於其意所不足者。或微言諷之。或直辭譏之。從未有引繩批根。吹求不遺餘力。直至如彈文如罵座者。而有之。自明之申葉。可以觀世。可以觀人矣。然空同嘗詆長沙矣。已而空同與信陽復交相詆。然長沙之書不廢。而何李之書亦並存也。旋復有詆何李者矣。今州祖述空同。羽異濟南。舉有明二百年來鉅公名流。無不詆之。雖劉誠意、宋文憲、高李迪、楊文貞、王文成、李長沙、歸熙甫諸君子。亦不免焉。然諸君子之書。不以之廢也。旋且有詆弁州者矣。公安曰。陵諸君子且詆濟南與弁州矣。

然○濟○南○弁○州○之○書○不○廢○也○旋○且○有○詆○公○安○景○陵○者○矣○今○牧○齋○則○舉○
王○李○鍾○譚○諸○子○而○並○詆○之○吾○未○敢○謂○諸○子○之○書○遂○因○之○廢○也○又○能○
保○他○時○無○詆○牧○齋○者○乎○昌○黎○起○八○代○之○衰○廬○陵○振○五○季○之○弱○其○文○
具○有○讀○其○全○集○大○半○皆○揚○掄○前○人○宏○獎○後○學○從○未○有○舉○古○今○文○字○
引○繩○批○根○吹○求○不○遺○餘○力○如○彈○文○如○罵○座○者○也○况○諸○子○之○書○初○非○
淫○辭○邪○說○有○害○於○世○道○人○心○者○比○而○其○才○情○光○氣○又○各○自○有○其○可○
傳○者○雖○瑕○疵○不○無○何○足○深○議○乎○若○乃○負○一○代○作○者○之○望○年○近○耆○耄○
猶○以○其○著○述○開○後○學○欺○凌○前○輩○之○風○喪○末○流○分○立○門○戶○之○漸○使○亡○
國○餘○習○猶○見○盛○世○深○足○惜○焉○至○我○輩○評○論○詩○文○亦○如○其○立○身○行○已○

要當各有定見。雖古哲遺言。亦有不可相奪者。況其他乎。足下以爲何如。

此真通人通論。其文章氣餒亦足以藐玩前人。無論其居心之長厚也。

○ ○ 與諸弟姪

古大將之才類出天授然其臨敵制勝也要皆先識兵勢虛實而
以避實擊虛爲百戰百勝之法文士家作文亦何獨不然蓋意乘
間則巧筆翻空則奇局逆振則險詞旁搜曲引則暢雖古今名作
如林亦斷無攻堅撫實硬鋪直寫而其文得佳者故一題到手必
靜相其神理所起止繇實字勘到虛字更繇有字句處勘到無字
句處既入其中復周索之上下四旁焉而題無餘蘊矣及其取於
心而注於手也務於他人所數十百言未盡者予以數言了之及
其幅窮墨止反覺有數十百言在其筆下又於他人所數言可了

者○子○更○以○數○十○百○言○排○蕩○搖○曳○而○出○之○及○其○幅○窮○墨○止○反○覺○紙○上○
不○多○一○字○如○是○又○何○虛○文○之○不○理○明○辭○達○神○完○氣○足○也○哉○此○則○所○
謂○避○實○擊○虛○之○法○也○大○將○得○之○以○用○兵○文○人○得○之○以○作○文○縱○橫○天○
下○有○餘○力○矣○

文章甘苦盡於此矣其文亦如出蕪子贍手

○ ○ 漕議

爲敬陳漕政利弊。亟請酌議變通。以全國計。以蘇民困。事竊惟
國家受命以來。百度維新。而漕法獨沿明季。糶政以屯丁長運。因
襲不改。以致流弊日深。而貽害日甚。公與私交。受其累而軍與民
同極於疲窮。則變變則通。莫有甚於此時者矣。愚江西人也。請先
陳地方之困。次議救正之方。援據古今。詳校利害。以仰籲當道仁
人君子。忠國愛民者。特賜省覽焉。謹按今之運丁。卽前朝之軍。前
朝之軍。亦如今日之兵也。始以有罪遣戍。繼卽著籍防守。原有月
給軍需。出自各縣倉庫。非爲漕運設也。後因承平日久。息兵墾田。

遂每軍撥給荒田若干。合輸籽粒若干。因於月糧內扣算籽粒。然每軍猶歲給月糧三石六斗。既不苟。戈未免坐食。迺擇有力者。編爲運軍。暫令轉輸。稍寬民力。亦一時權宜之計。不謂行之既久。遂執爲定例。竟勒之長運矣。并坐之造船矣。始於成化年間。沿及明季。弊已難言。然於時物力全盛。戶口殷繁。勉強支吾。已漸敝壞。况今時移世異。絕非曩時之比乎。又國朝來軍名悉裁。月餉盡革。止因屯田一款。無所歸附。因名屯丁。實則田歸有司。官收籽粒矣。是均之民也。而獨名爲軍。於是完納丁糧。旣當一民差。而貪領漕運。又當一軍差。抑何幸而獨膺此重役乎。試爲之備陳。其苦查明。

時舊冊凡衛所額船一隻每運丁或二十餘名或三十餘名合力朋造。今則兵荒之後。或絕或逃。雖有子遺。僅存皮骨。而額船必如數也。或僅數人同造矣。或止一家獨造矣。一也。明時造船料價雖少。賄墊無多。今則物料工值數倍。往時領二百八十兩。剝削之銀。造六七百金之艘。難可知矣。二也。造船料價定以數次給發。若使早行全給。則有備在先。百事便益。臨期猝辦。其費必多。給發時又自上而下。層次剋減。比付運丁。十不得三。三也。每舊船回次。小修費數十金。大修費數百餘金。而三修錢糧止三兩五錢耳。換篷換桅費輒不貲。四也。明時之運甲乙兩班。五年起運。五年歇息。今既

戶絕丁稀無從更替。年年任運。歲歲比欠五也。且也。萬里往返費。
必倍加窮年跋涉。日不暇給。賣產則軍產也。誰敢買者。鬻妻則軍
妻也。誰敢娶者。親友畏避。稱貸無門六也。迺此外蠹害。又不一而
足。有衛弁矣。復有衛弁之衙役也。有軍廳矣。復有軍廳之衙役也。
有糧道矣。復有糧道之衙役也。山江而淮。則有總督。由河而倉。則
有監督。所歷非一地。所制非一人。於是起批領造。有費。給價僱工
有費。驗船受兌。開運出湖。有費。過淮打關。抵壩起米。入厥會賑。完
糧。短欠有費。常例陋規。千端百緒。指不勝屈。筆不勝書。眞有太可
痛哭流涕者。雖有五三副米。然京糧二五起耗。通糧一七起耗。經

年之米。屬晒消折。所餘幾何。卽月糧四十石。兩行糧一十八兩。僅足供頭舵水手僱募之資耳。若黃河僱緯。北河劍淺。費又安出乎。定例每船許帶土宜六十石矣。江西地貧瘠。無他貴產。况在僉造領運。追比積欠之餘。豈有暇力措辦及此耶。夫當三空四盡之時。而以至艱鉅之任。責之伶仃無造之窮民。旣無絲毫之利。復有多端之害。又安得不生其不肖之心。而成其無賴之計也哉。於是非無功令也。不暇遑矣。非無親友也。不能顧矣。行則盜官糧。居則害鄰里。或扯幫貼。或告變產。或以冊註久絕之軍。倏指一人爲親友。或以同姓異宗之人。忽拔一家爲共籍。誰訟院司。纏梳府縣官府。

有不辨其冤而誤坐者。亦有明知其詐而無可如何者。或以丁窮
欠多。無從監追。竟斷之以賠糧矣。或以有漕無丁。無可僉補。竟斷
之以領運矣。平民值此。如遭湯火。賄求營解。家已立破。不堪苦累。
惟有逃亡。無軍漸且無民。無民因而無賦。長此不返。爲患非輕。豈
獨誤漕而已哉。愚謹以千慮之一得。條爲萬全之長算。則有三策。
○故正之方在因敢一一具詳之。一曰改民造爲官造。夫曰民造。非自能工匠
之事也。依然僱募耳。其竹木料值。灰鐵油蔴。非取諸官中而用之
也。依然採買耳。然使民爲之。卽以厲民料價大半扣除。需索復多。
名色其弊叢生。約略如前所云矣。今惟倣清江厥制。於省會市鎮。

之地起立船廠該省責令地方官領之盡去屯丁之名編歸民籍而○成○造○船○艘○一○事○悉○歸○之○於○官○蓋○官○任○造○則○勒○索○無○所○用○官○領○價○官造久之亦必別生弊官貴然當尺○四已極勢必以○之則○克○扣○不○得○行○官○募○匠○作○則○呼○應○捷○官○辦○物○料○則○羅○致○易○官○督○工○程○則○不○煩○催○呼○而○告○成○速○不○誤○查○驗○而○制○造○堅○查○本○年○四○月○內○總○漕○帥○有○題○明○一○疏○內○稱○江○寧○衛○三○十○二○幫○歲○應○造○船○一○百○二○十○餘○隻○議○歸○江○寧○龍○江○廠○地○方○成○造○責○令○該○省○衙○門○官○員○管○理○則○本○值○油○蔴○採○辦○更○易○等○因○已○經○部○議○題○覆○業○奉○俞○旨○豈○是○法○也○可○行○之○淮○安○可○行○之○江○寧○獨○不○可○行○之○他○省○乎○然○淮○廠○雖○屬○官○造○仍○以○運○丁○領○其○事○害○固○稍○減○弊○亦○滋○多○蓋○不○如○盡○歸○之○官○之○爲○善○也○此○變○

通以濟漕政之一法也。一曰改民運爲官運。蓋從來漕事之壞卽

運制官手

由於以屯丁領運也。積困疲丁自領運以來百孔千瘡無肉剜補。一登糧艘便欲居奇苟便目前違恤後患尤內旣厄陋於各衛弁外又蠶食於各衙門侵盜逋欠端由於此。今旣以官造卽仍當以官運之。惟每船一隻特募一船戶擇有家口可保任者付之使之居則守厥看工行則管船趨路若募倩舟師若修補濕漏皆官給以錢俾爲之計而一應漕事不使與焉。至于公費銀錢可不更煩區畫查白糧民船官運而船戶受脚價者也。淮糧官船民運而水手受身錢者也。今權於二者之間而較其地之遠近時之久暫卽

於所裁屯丁名下之行月二糧酌而與之且供應原有正副耗米書役各支本項工食止一轉移間耳且官既領運則誰不自愛功名克勤職守必將視漕務如家事護漕糧如己物中途可無遲延之弊○此亦難免○不觀戶部○之兌餉銀乎○

無使費之弊較之民運其得失不大相懸絕也哉此又變通以濟

漕政之一法也○○惟○改○為○轉○運○則○官○亦○無○累○矣○愚○謂○雲○南○銅○斤○亦○可○改○為○轉○運

於時轉輸之粟止山東河北而已未嘗遠及江淮也唐都關中以地狹費繁於是歲漕東南之粟以給京師永徽以後漸致增多江淮漕運於斯稱劇顧始終三百年間治漕稱善者前惟裴耀卿後

惟劉晏開元中以耀卿言於河口鞏縣置倉使江南之舟不入黃河黃河之舟不入洛口而河陽柏崖太原永豐渭南諸倉節級轉○如○此○則○請○江○南○之○船○解○矣○雖○黃○河○倒○灌○高○堰○或○決○亦○不○致○倉運水通則舟行水淺則寓於倉以待舟無停畱而物不耗失於時

皇○無○指○矣

稱便及代宗朝晏任漕事亦於江汴河渭各隨便宜緣水置倉轉相授受江船不入汴汴船不入河河船不入渭江南之運積揚州汴河之運積河陰河船之運積渭口渭船之運入太倉歲轉粟百十萬石國用以足天子嘉之是唐之漕政以轉運爲便也宋都汴梁有四水以通漕運而當時所最重者惟汴河而江淮兩浙荆湖六路歲運凡四百萬石於真揚楚泗州各置轉般倉受納新輸更

用運河船載之入汴。以達京師。當時便之。是亦轉運法也。崇寧初。始用曾孝廣言。六路上供斛斗。並依東南雜運。直至京師。號直達。綱行之未久。橫費百出。漕法由是大壞。後譚稹向子誣。蕭序辰皆言轉般之法。不可不復。直達道里既遠。情弊尤多云云。由此觀之。是宋之漕政。亦以轉運爲便也。明之漕運法。凡五變。始用海運。既而海陸兼運。永樂十三年。會通河成。始令各直省秋糧。以民運至淮。徐臨德四倉交收。仍令淺河船以軍從。各倉支領。接運入於京。通二倉。名爲支運。至末年。始令民運。赴淮安瓜州。補給腳價。兌與軍船領運。名爲兌運。其四倉仍十之三四。後兌運漸增。又令軍船

各同附近水次領兌民加與溫江水脚視遠近爲差成化年中改
四倉米七十萬石令各軍徑赴水次領兌名爲改兌而長運自此
始矣向者轉輸今也直達於是軍無餘力糧多缺額沿及嘉隆之
際漕事漸敝議者嘗欲復支運之法而卒不及行至啓禎時已不
勝其患矣合觀有明二百七十年間而知明之漕政亦以轉運爲
便也然則旗丁長運迺有明衰季秕政其不足爲法也明矣聖
代興與正宜釐革豈可因襲不改重受其困乎今惟倣唐宋明盛
時之法斟酌損益以求至當則無有過於罷長運行轉運之一策
者查本朝漕運額計四百萬石除各省本色軍需蠲荒改折等項

又山東、河南、及江南之徐州、額運原不過淮。竟解抵通外。若江南、江西、浙江、湖廣等省過淮糧，近三百萬石。今惟酌其地方遠近，途次適中之處，仍於淮安、濟寧、德州三處分建倉廩，轉貯遞運。盡裁去長運之衛弁衛卒，而一歸於官運。官交其途次遠者，運貯於淮倉。其途次近者，運貯於濟德二倉。江船不踰淮，淮船不踰濟。濟船不踰德，德船直抵於京。通如是，則其遠者不過千數百里，近者祇六七百里。程途既短，時日便賒。一運往返兩月可畢。是淮以南之船一歲可再運三運，而淮以北之船一歲可三運四運也。而又有數便焉。程途既近，則月月經行。在在諳熟，運於江者識險阻，更無

守凍之苦。運於河者。避淤塞。且無擱淺之患。其便一。且程途既近。則運行亦疾。交兌亦速。當其交兌稍有欠缺。誰肯接領稽查不事。侵盜自無其便二。且程途既近。則限期亦迫。告竣必早。略計一年之內。尚有數月之間。官得以從容爲修艫之地。卒得以休息謀俯仰之需。私累無憂。而公事亦畢。其便三。較之長運。其利弊不更大相懸絕也哉。又攷宋時轉般倉制。其江南之船輸米至倉者。卽載官鹽以歸。又置折中倉。聽商人輸粟京師者。給以官鹽。明初亦倣之。爲開中之制。令各無於淮安長蘆地方。倣行此例。使各省行鹽商人載鹽而往者。卽載米而來。仍照舊募民船之價。或優給鹽引。

唐書中○有○運○說○二○篇○卽○同○此○意

○鹽政張翼山

或銷算鹽課於商於漕實爲兩便此又因轉運而類推之可以佐
官造官運之所不及者也是變通以濟漕政之又一法也三策定
矣於是議督造督運之官則府縣佐貳皆可專任而責成矣夫各
省衛所守千等弁原爲漕設者也自屯田歸之州縣衛弁無經營
錢糧之貴其所轄者祇此疲丁而不肖之徒罔加存恤苛索常例
恣意吞剝甚至侵蝕屯餉波害平民既毫無益於漕而復大爲之
蠹今宜盡舉而裁之而督造則以同知督運則以通判佐助料理
則或尚委縣丞或量添主簿或間用典史以各縣之官分領各縣
之事以各府之官總領各府之事而統於糧道受成焉是事簡而

易理責專而不分。以之監視厥務。催押糧艘。裕如矣。仍須立考成之法。以示鼓勵。歲運全完一週。則紀錄。再週加級。三週優擢。其不職者。則參究賞罰。明而功。事勸。誰不踴躍爭奮乎。至主領各倉交盤之數。每倉須用部司一員。監司一員。而淮安二官已具。但使就近兼理。若濟寧已有一道。而臨清分司實可移駐。同理也。惟德州須添設耳。此官之或裁或增。而皆以有濟漕政爲定者也。於是議造廠造倉之費。則漕費本項即可通融以取給也。衛弁旣盡裁。卽其所支俸薪。與其衙門雜項公費。合數省計之。歲所省可十萬。積之十年。百萬矣。且旣行轉運。歲可數番。則船式可改而小。船數可

減而少而修造之費省於前。由是而舟師水手之役亦減而僱募之費亦省於前。若合各省計之。歲所省可數萬。積之十年。數十萬矣。截長補短。挹彼注此。止一轉移。似可足用。何至盡煩司農之仰屋乎。昔劉晏嘗言。舉大事者。不當惜小費。宋蘇軾亦稱之。以爲天下大事。未嘗不成於大度之士。而敗於寒陋之人。今聖天子軫恤民艱。鴻恩屢沛。近年山陝荒糧。以督撫題請。特准豁免者。嘗以數萬計。本年內。因河工緊急。又允河臣疏。支用正項錢糧八十萬。以天下財爲天下用。宸衷豁達。睿慮深長。原所不惜。則更定漕法。此萬世一時也。況是舉也。一難而百易。一勞而永逸。費於在官。

者有限而省於在民者無窮。費於一時者有限而省於後日者無窮乎。此費之有損有益。而要以有濟漕政爲歸者也。然是議也。於順治年中。地方大臣及臺省衙門。亦屢經條陳矣。前任江西巡撫夏公一鶚有疏。題爲請蘇漕船軍造之苦。改爲官造。前任御史胡公其相有疏。題爲目擊漕欠之多。請改官運。前任給事中孫公蘭有澄剔漕欠一疏。極言廢弁當裁。而府判縣丞悉可領運。又前給事中王公益朋有漕運一疏。極言漕糧侵欠之原。由於押運之用衛官止有直去衛官。而用府縣佐貳。又前任總漕蔡公士英有漕政弊壞已極一疏。極言長運久困之苦。與轉運當行之利。及經理

轉運之法。夫是數疏者。無不詳明懇切。深合時宜。迺卒扞格不行者。何耶。豈議事者以紛更定例爲嫌乎。豈任事者以驟翻成局爲難乎。然而聖主在上。聽言如流。俊乂盈庭。寅恭相濟。有何嫌疑而不爲國家定一朝之良法。而革累世之積弊耶。若乃衛所各弁之憚於裁缺候補也。府縣佐貳之畏於任重理繁也。內外管糧衙門之蠹書京通各倉之積棍凡衣食於漕運中者。懼於官運官交。此實難。以、前、處、然、亦、無、此、意、上、特、之、人、耳、果、有、其、人、物、日、月、將盡失其金穴。銅山而無以爲漁獵之地也。勢必意見各出。議論紛騰。甚或播造訛言。沮敗成說。惟在當事之臣。屹立如山。不爲搖奪。極力贊助。決意主持。天下事尚可爲。又豈有爲之而無其功哉。

日奎家本民籍。位在開曹。既無建言之責。又鮮剝膚之痛。亦可優
悠。平世緘嘿自安。特以耳目所及。心神爲惻。涕泣而道。良非得已。
敬頷當道仁人君子。俯賜採納。仰行題請。上定廟謨。下蘇民困。功
在社稷。福流後昆。億萬斯年。與國同慶。不待卜筮而決之矣。謹揭
前幅。極陳軍造長運之害。而以官造官運及轉運之三策救之。
末復補等其督造督運之官。造厰造倉之費。點滴不漏。亦切實
可行。可謂有用文章矣。乃迄今又百餘年。漕困已極。竟無有援
此而見之行事者何也。